

Q V A E S T I O M E D I C A

Q V O D L I B E T A R I I S D I S P U T A T I O N I B V S

MANE DISCVTIENDA IN SCHOLIS MEDICORVM

DIE IOVIS VII. DECEMBRIS.

M. CLAVDIO DE POIS, Doctore Medico Moderatore.

An ab Aëre Sanitas, Morbus?

719

QUONI hominum ordini, ætati, sexui, temperamento, regioni ab Aëre ingruunt morbi. (quidni?) Nónne is vitæ dominus? mortis nuntius? sine quo, nec datur sanitas, nec tollitur morbus. Corpus regit, animum; inspirando quem, viuimus; expirando, morimur: quippe qui illius tanta sit necessitas, vt ne momento quis carere velit, possit, citra vitæ iacturam. Purus, tenuis, lucidus; nulli non amicus. Crassus, nebulosus, cuique noxius: ille vitam tutatur, ac conseruat: hic atterit, depopulatur: hinc qui nos alit nos exinguit, vita, sanitas, morbus, mors: non plus vltra sæuit aëris inclementia.

TEMPORVM mutationes pariunt morbos, solunt. Omnes ab aëre, victuque: is hyemis, æstatisque causa: in hac sub Cane, & ante Canem difficiles purgationes: in illa faciles. Naturarum quædam ad æstatem; aliæ ad hyemem, benè, aut malè se habent. Morborum Autumnalium Vere expectanda solutio: Vernalium Autumno. Arthritis Bacchi, & Veneris proles, tunc temporis facit sui copiam. In morbis Cælum, & Solum mutare expedit. Laborantes Epilepsiâ pueros, Loci, Aëris, Victusque mutatio perfanat. Siccitates imbris salubriores, & minùs mortiferæ. Anima sicca humidâ viuacior, prudentior: & nescio quo tandem fato fiat, vt morbus sit aliquis per sapientiam mori: stupidi cum sint longæui.

*By Guro paribz Assumptis scit dno
pallu qua Gabitor d. r. r. studio p*

SI in emendo agro, quantò magis in conseruandâ sanitate, propulsandâ iniuriâ, eligenda aëris bonitas; regio, ætas, tempestas, non magis suo aëre, quàm moribus, morbis definienda: harum enim qualibet proprios patitur manes. Orientalis salubris, Pueritix, Veri analoga: in hoc Epilepsiæ, Infantiæ, Hæmorrhagiæ, Anginæ: in illa Calculi, Lumbrici, *Σκωρδελαι*, Strumæ, (Regiâ manu, Medicâ curabiles.) Meridionalis, Iuuentuti, Æstati, hinc Febres Continuæ, Ardentis, Tertianæ, Diarrhææ, *Ισπυα*, Sanguinis sputa, *σπυα*, Septentrionalis, Virilitati, Autumno; Quartanæ, *Υδραν*, Dysenterix, Ileci, Phrenitides, Cholera, Hæmorrhoides. Occidentalis morborum ferax, Senectuti, Hyemi; Pleuritides, Apoplexiæ, Lethargi, Tusses, Raucedines.

VT Iouis, sic Aëris omnia plena, nec tantum corpori præest: sed & mores animi fingit. Qui lucidum hauriunt Monticolæ, claro, & acutiori sunt ingenio. Qui crassum, obtuso, plumbeo, Regionem planam qui incolunt, tranquillo, ac pacato. Qui aridam, superbo, pertinaci. Syluosam, subdolo, ac multiplici. Omnis namque à temperie actio varia, pro Aëris, & Ventorum diuersitate. Qui Austro persantur, molles, pigri, hebetes, Asiatici. Qui Aquilone, robusti, bellicosi, Europæi. Qui horum diuersitate, proterui. Vbi mutationes crebræ: ibi mores, morbos varios inuenias.

MENS agitat molem: Spiritus impetum faciunt, à sanguine attenuato ab aëre quem inspirando ducimus, orti: triplici effluuio remedium, ab eo spirituosa viuientis substantia, à potu humida, à cibo solida resarcitur. Corpus is calcfacit, refrigerat, exsiccatur, humectat. Mentem, corpus excitat, nec finit quiescere: & cuius ope calor natiuus recreatur, in subsidium ne deficiat: Calidum namque moderato frigido nutritur.

Ergo ab Aëre Sanitas, Morbus. 165

Proponebat Lutetiæ CLAVDIVS MARTIN Parifinus, A. R. S. H. M. DC. XXVIII.

DOMINI DOCTORES DISPUTAVRI.

M. Claudius Lienard.
M. Renatus Moreau.
M. Dionysius Allain.

M. Lazarus Pena.
M. Iacobus Cousinot, M. & P. R.
M. Petrus de Beauvais.

M. Ioannes Cousin.
M. Hieronymus Goulu P. R.
M. Henricus Blacod.

R. P. P. R.